



Subclass 202 visa aa tleihmi caah thawngpang

A Huap in Zohnak

Nangmah cu subclass 202 (Global Special Humanitarian) visa pek na si.

Mah visa he, nangmah cu

- Australia chung ah zungzal in na um kho
- Australia chung ah rian na tuan kho cun ca na cawng kho
- Australia ii mizapi ngandamnak lei zohkhenhnak, Medicare chung ah min na pe kho
- chungkhar chungtel pawl zungzal in umnak ding caah na auh khawh hna
- Kum 5 Australia in khual na tlawng kho
- a tlingmi cu Australian rammi a si tik ahcun
- Mipem Upa Mirang Holh Cawnnak (Adult Migrant English Program) in a lak in Mirang holh cawnnak ah kai khawh a si

Mah hi a hmunmi visa a si. Mah nih hin Australia ram chung ah zungzal in umnak nawl an pek. Mah visa he Australia chung na luh ni in nangmah cu zungzal umnak nawl a ngeimi na si cang. Rammi sinak tinhmi caah, mah visa he Australia chung na luh ni thok in nangmah ii zungzal umnak cu aa thok.

Australia ah luhnak

Nangmah le nangmah autu nih khaulawnnak tolrel ding ah nangmah ii Toll ahmuh(case) tolreltu kha nan pehtlaih khawh. Khaulawnnak a dihmi man cu nangmah silole nangmah fehternak tuahtu ii tuanvo a si.

Australia ah tlawnnak caah bawmhnak cu Mipem caah Vawleipi Huap Riantuannak Bu (International Organization for Migration) (IOM) in anmah ii man pek ciami thialnak tlawnnak program tang ah a ngah fawn. Konglam tam deuh cu IOM website cung ah a ngah <https://australia.iom.int/travel-assistance-migration-australia-iom-australia>.

Australia na rat hlaan ah Australian Nunphun lei Theihternak(Australian Cultural Orientation) (AUSCO) program ah kai ding in nangmah nih sawmnak ca na ngahnak ding le Australia chung na phak tik ah khuasaknak lei fehfuannak bawmhnak ding kan fehter khawhnak ding ah nangmah silole nangmah autu nih Zungthen kha na khaulawnnak booking pawl konglam an chimh hna awk a si.

Australian Mipem Dirhmun(Australian Migration Status) (AMS) ImmiCard

Australian Cozah nih subclass 202 aa tleihmi hna le a dang minung zawnrhahnak lei visa pawl aa tleihmi hna caah AMS ImmiCard a chuah. AMS ImmiCard cu phungning Vawleipi Huap Vanlawng Zuannak Riantuantubu(International Civil Aviation Organization) (ICAO) a si-aa tlakmi khaulawnnak cahren. Mah cu Australia chung ah cozah riantuanpiaknak pawl caah na tlinnak feh ter ding ah le na visa dikthlir zohfel ding ah na hman khawhmi fianternak lei cahren a si fawn.

Nangmah nih Australia ah lam-khat khaulawnnak caah nangmah ii phungning khaulawnnak cahren pakhat can ah na hman khawh. Mah ah na visa zohfelnak ding ah vanlawng riantuantu hna zohfel ding in a onh tu hna seh-relkhawhmi aa tel. Nangmah nih na ImmiCard cu airport ah naa ken hrim lai silole Australia ah na tlawng kho lai lo. Toll nih Australia ah na tlawng hlaan ah na ImmiCard cu an in pek lai.

Nangmah nih passport na ngeih ii Australia tlawnnak ah hman na duh a si ahcun, nangmah nih mah kong cu na kan chimh hrim lai cu ti cun kanmah nih na visa he kan pehtlaih ter khawh lai. Na passport kong na kan chimhnaki ding ah, silole na passport dikthlir thlennak ding ah, <https://immi.homeaffairs.gov.au/change-in-situation/passport-details> ah kal cun 'Update Details - Web Form' timi thimnak kha thim. Mah hi na tuah lo a si ahcun, Australia ah na tlawng kho lai lo.

Australia na phak hnu ah Australia leng ah tlawng na duh a si ahcun, nangmah nih a dikmi passport silole rammi-silomi khaulawnnak cahren (Australian Passport Zung ah laak a ngahmi) na ngeih hrim a herh

Na visa pek na si nithla thok in kum 5 hnu ah Australia ah kir than le tlawng na duh a si ahcun, nangmah cu Australian rammi ah naa can dah ti lo nangmah nih Khusami Kirthannak(Resident Return) visa na herh lai.

Chuahnak(Departure) ngandamnak zohfelnak

Na toll ahmuh tolreltu nih Australia na kal hlaan suimlam 72 chung ah a lak in ngandamnak zohfelnak tuah ding in an hal lai.

Chuahnak ngandamnak zohfelnak ah a tang lei pawl an i tel kho:

- nangmah cu khaulawng ding tluk in a ngandammi na sinak zohfelnak
- puma zohfel cheknak
- naupawi testnak
- chawnh khawhmi zawtnak pawl testnak
- a herh a si ahcun raikhamsii pawl, measles, mumps le rubella tibantuk
- a herh a si ahcun zawtnak rungrul pawl thlopnak

Australia chung na phak hnu zeibantu ngandamnak sining pawl ca paoh ah sii lei zohnak ngah ding in na lungtling hrim lai.

Australian Nunphung lei Theihternak(Cultural Orientation) (AUSCO) Program

Nangmah cu Australia ah khual na tlawnnak ding kong ruahnak cheuhnak caah na kal hlaan ah AUSCO kainak ding ah sawm na si lai. Mah kainak pawl chung ah khusaknak lei riantuanpiaknak, inn, fimcawnnak le riantuannak pawl telh in Australia chung nunnak a huap in na fiang lai.

AUSCO Program hmuitinh cu mah hi an si:

- ram leng chuahnak rian kong ah a dikhmaanmi konglam peknak ding
- khusaknak lei sining langhternak le phak hnu ii khusaknak lei riantuanpiaknak pawl konglam le zeitindah luh an si timi kong pawl peknak
- Australia chung ah nunnak sining hmanthlak hmuhsaknak
- Australia chung phak tik ah Mirang holh cawnnak forfialnak
- pumpak-zatnak ngah ding ah a herhmi thiamnaki hrampi a kaimi pawl sin ah peknak
- a kaimi pawl kha a hramthok khusaknak ah lungreltheihnak pawl tolrelnak ding le nunphung, zatlang le chawhle rawl lei aa dangmi pawl i ziaknak ding ah a herhmi thil pawl peknak Mah ah hin Australian phunghram pawl le tahfung pawl an i tel.

Mah ni-5 program hi a lak a si ii kum 5 cung minung lei zawnruahnak visa aa tleihmi paoh caah on a si/ Mah hi na phak hlaan ah Australia chung nunnak fiannak ding ah suaimi a si.

International Organization for Migration (IOM) cu Zungthen ai ah program tuah ding in cahrennak tuah mi a si, cun anmah nih nangmah cu an in pehtlah lai ii AUSCO kai ding ah an in sawm lai.